

SCOTVS CONDITOR SCOTORVM.



Scotus magnæ fortitudinis miles apud Teutonas extitit. Itaq; Frotho Danorum rex eum plurimum dilexit, atque ei sororem suam Vluildam uxorem dedit. Erat hæc prius Vbboni desponsata. Itaq; Vluilda prioris mariti connubium preferens, Scotum contra fratrem incitauit. cum autem nihil perficeret, suas insidias aduersus maritum cōuertit, & aliquos mercede cōduxit, qui iugulū dormientis cōfoderent. Id quum Scotus à pedissequa percepisset, lectum loricatus intravit. Rogatus ab Vluilda quid ita asuetæ quietis usum ferreo cultu mutasset? Sic ad præsens sibi collibitum retulit. Cum itaq; somno obfusus putaretur, irrumpentes infidiarum ministros, lecto prosiliens, obtruncauit. Inde cum rege Frotho Friesos, & postea Britannos bello aggressus est, ubi Frotho uictor partē Britannæ insulæ Scoto concessit, quam de se postea Scottiam denominauit, anno creationis termillesimo centesimo. Sax. Gram. lib. 2. Daniae.